

西南史地文獻

第八卷

中國西南文獻叢書·二編

中國西南文獻叢書編輯委員會

中國西南文獻叢書二編·第三輯

西南史地文獻

第八卷

甘肅省古籍文獻整理編譯中心
中國西南文獻叢書編輯委員會
編

本輯主編：周 斌

本卷目錄

平定貴州苗匪紀略 一
〔清〕劉長佑 岑毓英纂 …………… 〇〇三

本卷目錄

平定貴州苗匪紀略 一〔清〕劉長佑 岑毓英纂……………〇〇三

【清】劉長佑 岑毓英纂

平定貴州苗匪紀略

一

〔清〕劉長佑、岑毓英纂，清光緒二十二年內府鉛印本，半葉七行，行二十字，四周雙邊。

劉長佑（公元一八一八至一八八七年）字子默，湖南新寧人，道光二十九年（公元一八四九年）拔貢，有《劉武慎公遺書》行世。岑毓英（公元一八二九至一八八九年）字顏卿，廣西西林人，秀才出身，有《岑襄勤公遺集》傳世。

此書係詳細記載清咸豐（公元一八五一至一八六一年）年間鎮壓貴州苗民起義的官撰史書。

欽定平定貴州苗匪紀略卷一 乙卯年

咸豐五年五月二十六日

丁亥

上命軍機大臣傳諭蔣蔚遠曰朕聞貴州台拱廳地方
現有苗匪滋事苗人素稱頑梗儻或不能安戢恐致
貽害地方況該省桐梓等處匪徒甫經摻除淨盡若
復有苗匪滋事不爲及早按捕將來必致重煩兵力
著蔣蔚遠趕緊查辦毋得稍有迴護遷延並將如何

滋事情形迅速具奏

六月十三日甲辰雲貴總督恆春貴州巡撫蔣霽

遠四川提督兼署貴州提督萬福奏言台拱屬之山西新馬也黃平屬之革夷等寨向有苗匪出沒清平縣屬之凱棠哨各處亦有苗匪乘機竊發四出滋擾互相勾結恣意焚掠經臣等派員前往查辦勦撫兼施惟苗寨遼闊山徑紛歧

此拏則彼竄分勦則兵單必須添兵分布方可
聚而殲旃臣蔣霽遠復飭貴東道承齡馳赴下
游督同印委各員迅速勦辦並添調省標及古
州上江長寨各鎮協營兵共一千一百名前往
清平一帶以備堵勦清平縣知縣秦鎮藩當台
拱黃平苗匪滋事之時未能認真堵緝以致清
平境內匪徒亦乘機竊發勾結爲患非尋常疏

忽可比相應請

旨將清平縣知縣秦鎮藩先行摘去頂戴仍責令該員
隨同委員等將此股滋事匪徒迅速勦捕不准
稍事遷延奏入

上命軍機大臣傳諭恆春蔣霽遠萬福曰台拱苗匪滋
事前經特旨查詢現據恆春等奏雖閒有撿斬而此
拏彼竄未就肅清致清平匪徒得以乘機肆擾該撫

既派承齡前往督辦卽著迅速勦捕毋稍延緩台拱
距省不遠蔣蔚遠現在省城儘可督飭調度萬福尙
未回川亦可就近督辦儻貴州兵力不敷著恆春酌
調雲南精兵選派得力將備帶往協勦該督毋庸親
自前往

上諭內閣曰貴州清平縣知縣秦鎮藩於台拱黃平苗
匪滋事時未能認真堵緝以致清平境內匪徒乘機

竊發互相勾結非尋常疏忽可比秦鎮藩著先行摘去頂戴責令隨同委員等將此股匪徒迅速剿除如再遷延貽誤卽著從嚴叅辦

七月十三日

甲戌

蔣霽遠奏言欽奉

諭旨貴州台拱廳苗匪滋事著蔣霽遠趕緊查辦並將如何滋事情形迅速具奏等因 臣查本年三月間台拱廳屬有苗匪聚衆搶掠滋事當經檄委熟悉

苗務之署平越直隸州知州邵鴻儒等會同署
鎮遠府知府吳登甲前往查辦分別良莠勦撫
兼施台拱就撫者已有一百八十餘寨首惡苗
匪設計擒拏並據各寨捆獻共有百數十人訊
因由廣西江南充練轉回無業資生相聚爲盜
均卽就地正法惟山西新馬也等寨苗匪意圖
抗拒該委員等正在分投查辦而黃平屬之革

夷等寨清平屬之凱棠凱哨各寨苗匪或因其父兄爲盜伏誅或因被奸民平素盤剝懷恨已久亦有事不干己圖財乘機劫掠羣焉思逞與台苗勾結響應猝然蜂起搶擄燒殺到處橫行清平黃平丹江一帶村寨壘堡多被蹂躪道路亦有梗塞臣復添調官兵檄飭貴東道承齡馳往督辦惟貴州兵力單弱且餉需支絀全賴他

省協濟各省應解黔餉銀一百四十餘萬兩部
臣雖有撥解之數各省終無報解之期請

旨飭下山陝川滇各省無論何款趕緊設法籌解以濟
急需再上下兩游苗匪滋事臣未能先事豫防
實屬咎無可辭應請

旨將臣先行交部議處奏入

上諭內閣曰貴州台拱等處苗匪聚衆搶掠蔣霽遠未